

Na osnovu člana 11. Odluke o utvrđivanju uslova i kriterija za stipendiranje učenika sa invaliditetom u srednjim školama na području Tuzlanskog kantona u školskoj 2025/2026. godini (broj: 10/1-11-34013/25 od 12.11.2025. godine), Ministarstvo obrazovanja i nauke Tuzlanskog kantona, raspisuje

K O N K U R S

za dodjelu stipendija učenicima sa invaliditetom u srednjim školama na području Tuzlanskog kantona u školskoj 2025/2026. godini

I

Raspisuje se Konkurs za dodjelu stipendija učenicima sa invaliditetom u srednjim školama na području Tuzlanskog kantona u školskoj 2025/2026. godini i to za ukupno 30 stipendija učenicima sa invaliditetom u srednjim školama na području Tuzlanskog kantona u školskoj 2025/2026. godini.

II

Ukupna visina stipendije za školsku 2025/2026. godinu iznosi 800,00 KM (osamstotina konvertibilnih maraka), s tim da će se isplata stipendije vršiti u skladu sa operativnim sredstvima u Budžetu Tuzlanskog kantona.

III

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da ne koristi ili nije dobitnik neke druge stipendije iz Budžeta Tuzlanskog kantona,
- c) da je redovan učenik srednje škole na području Tuzlanskog kantona i da redovno pohađa nastavu u školskoj 2025/2026. godini,
- d) da ima status lica sa invaliditetom.

IV

Pravo na dodjelu stipendije po ovom Konkursu imaju učenici sa invaliditetom u srednjim školama na području Tuzlanskog kantona. Rangiranje i klasifikacija kandidata za dodjelu stipendije, koji ispunjavaju uslove iz tačke III, vrši se na osnovu sljedećih kriterija:

- a) opći uspjeh postignut u prethodnoj školskoj godini u smislu završenog razreda osnovne ili srednje škole, prema članu 7. Odluke o utvrđivanju uslova i kriterija za stipendiranje učenika sa invaliditetom u srednjim školama na području Tuzlanskog kantona u školskoj 2025/2026. godini (broj: 10/1-11-34013/25 od 12.11.2025. godine u daljem tekstu: *Odluka*),
- b) stepen invalidnosti, prema članu 8. Odluke,
- c) učešće na takmičenjima, prema članu 9. Odluke.

V

Prijave na konkurs sa potrebnom dokumentacijom, podnose se Ministarstvu obrazovanja i nauke Tuzlanskog kantona, u roku od 10 dana od dana objavljivanja konkursa na internet stranici Ministarstva obrazovanja i nauke Tuzlanskog kantona (www.montk.gov.ba). Prijava na konkurs vrši se putem prijavnog obrasca, koji se može preuzeti na internet stranici Ministarstva obrazovanja i nauke ili u službenim prostorijama Ministarstva obrazovanja i nauke Tuzlanskog kantona.

VI

- (1) Kandidat ili roditelj/staratelj je uz popunjen prijavni obrazac obavezan dostaviti:

a) uvjerenje o statusu redovnog učenika srednje škole u školskoj 2025/2026. godini (original ili ovjerena kopija),

b) uvjerenje o državljanstvu (original ili ovjerena kopija),

c) uvjerenje o prethodno završenom razredu osnovne ili srednje škole (original ili ovjerena kopija) ili ovjerena kopija učeničke knjižice o posljednjem završenom razredu osnovne škole,

d) ovjerena izjava da kandidat za stipendiju ne koristi ili nije dobitnik neke druge stipendije iz Budžeta Tuzlanskog kantona,

e) nalaz, ocjenu i mišljenje Instituta za medicinsko vještačenje zdravstvenog stanja kojim se utvrđuje postotak invalidnosti (original ili ovjerena kopija).

(2) Pored dokumentacije predviđene u stavu (1) ove tačke, kandidati mogu dostaviti i dokumentaciju (uvjerenja, potvrde, certifikate izdate od strane organizatora takmičenja) kojom se dokazuje učešće i osvojena prva tri mjesta na takmičenjima u svrhu bodovanja u skladu sa članom 9. Odluke.

(3) Sva dokumentacija koja se dostavlja uz prijavni obrazac mora biti u originalu ili ovjerenj fotografiji, te na jednom od jezika u službenoj upotrebi u Bosni i Hercegovini (uz dokument izdat na stranom jeziku potrebno je dostaviti i originalni prijevod sudskog tumača ili ovjerenu kopiju prijevoda).

VII

(1) Na osnovu konačne rang liste, ministar sa kandidatom odnosno roditeljem/starateljem kandidata, zaključuje ugovor o stipendiranju, kojim se bliže uređuju međusobna prava i obaveze.

(2) Ugovor o stipendiranju zaključuje se u roku od 15 dana od dana isticanja konačnih rang listi na internet stranici Ministarstva.

(3) Ukoliko kandidat, odnosno roditelj/staratelj kandidata, u roku navedenom u stavu (2) ove tačke, ne potpiše ugovor, kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

VIII

(1) Konkurs ostaje otvoren 10 dana od dana objavljivanja na internet stranici Ministarstva obrazovanja i nauke Tuzlanskog kantona.

(2) Prijave na Konkurs sa potrebnom dokumentacijom šalju se putem pošte preporučeno ili lično na adresu Centralne pisarnice kantonalnih organa uprave - ulica Fra Grge Martića 8, 75000 Tuzla, sa naznakom „Prijava na Konkurs za dodjelu stipendija učenicima sa invaliditetom u srednjim školama na području Tuzlanskog kantona“.

(3) Nepotpune i neblagovremene prijave neće se uzeti u razmatranje.

**Ministarstvo obrazovanja i nauke
Tuzlanskog kantona**